

# UNIVERZITET U SARAJEVU - FILOZOFSKI FAKULTET

Na osnovu članova 106. Zakona o visokom obrazovanju ("Službene novine Kantona Sarajevo" broj: 36/22), članova 129. i 135. Statuta Univerziteta u Sarajevu (broj: 01-1093-3-1/18 od 28. 11. 2018. godine, člana 21. do 27. Pravila studiranja za treći ciklus studija na Univerzitetu u Sarajevu – doktorski studij broj: 01-1101-79-1/18 od 19.12.2018, Odluke Senata o dopuni Pravila studiranja za treći ciklus studija na Univerzitetu u Sarajevu broj: 01-3-40/19 od 30. 01. 2019. godine, Odluke Senata o izmjeni i dopuni Pravila studiranja za treći ciklus studija na Univerzitetu u Sarajevu broj: 01-32-137/19 od 30. 10. 2019. godine, Tumačenja Pravila studiranja za treći ciklus studija na Univerzitetu u Sarajevu – doktorski studij broj: 01-17-104/20 od 22. 07. 2020. godine, Odluke Senata Univerziteta o saglasnosti za otvaranje trećeg ciklusa studija *LINGVISTIČKE BOSNISTIKE* na Odsjeku za bosanski, hrvatski i srpski broj: 01-38-1144-2/12 od 25.04.2012. godine, Prijedloga Vijeća doktorskog studija od 18. 5. 2023. godine, Prijedloga odluke Vijeća Univerziteta u Sarajevu -Filozofskog fakulteta broj: 03-09/195 od 1. 6. 2023. godine, Odluke Senata Univerziteta o saglasnosti na raspisivanje konkursa za upis studenata trećeg ciklusa studija *LINGVISTIČKE BOSNISTIKE* u studijskoj 2023/2024. godini broj: 01-12-23/23 od 22. 6. 2023. godine, Univerzitet u Sarajevu - Filozofski fakultet *objavljuje*

## KONKURS

za upis studenata u TREĆI CIKLUS STUDIJA – DOKTORSKI STUDIJ IZ LINGVISTIČKE BOSNISTIKE na Univerzitetu u Sarajevu – Filozofskom fakultetu u studijskoj 2023/2024. godini

### I

Konkurs se raspisuje za upis studenata u treći ciklus studija – Doktorski studij iz *LINGVISTIČKE BOSNISTIKE*.

Studij se organizira u trajanju od tri godine, a po njegovu završetku stječe se naučno zvanje DOKTOR LINGVISTIČKIH NAUKA – BOSNIST.

### II

Pravo pristupa doktorskom studiju i podnošenja prijave imaju sljedeći kandidati:

1. kandidati koji su stekli naučni stupanj magistra lingvističkih nauka po ranijem zakonu o visokom obrazovanju, kojima se priznaje 60 studijskih bodova;
2. kandidati koji su stekli diplomu prvog i drugog ciklusa studija na odgovarajućem odsjeku s prosječnom ocjenom koja nije niža od osam (8) i u prvom i u drugom ciklusu studija; ako kandidati nisu ostvarili prosječnu ocjenu osam (8), mogu konkurirati za upis ako imaju objavljena četiri rada u priznatim naučnim časopisima ili preporuke tri profesora s prvog i drugog ciklusa studija, a na prijedlog Vijeća Doktorskog studija.
3. Kandidati strani državljani prijavljuju se na konkurs pod istim uvjetima kao i državljani Bosne i Hercegovine, uz uvjet da dostave rješenje o priznavanju inostranih visokoškolskih kvalifikacija.

### III

Uz prijavu na konkurs, kandidati su obavezni dostaviti:

1. diplomu o završenom prethodnom obrazovanju/ Diploma s Dodatkom diplomi (original ili ovjerenu fotokopiju);
2. uvjerenje o položenim ispitima na prethodnom studiju (original ili ovjerenu fotokopiju);
3. rješenje o akademskom priznavanju inostranih visokoškolskih kvalifikacija koje su stečene u inostranstvu ili diplome stečene u nekoj od država bivše SFRJ nakon 6. 4. 1992. godine (original ili ovjerenu fotokopiju);
4. biografiju;
5. izvod iz matične knjige rođenih (original ili ovjerenu fotokopiju);
6. uvjerenje o državljanstvu (original ili ovjerenu fotokopiju);
7. uvjerenje o poznavanju stranog jezika (original ili ovjerenu fotokopiju).

### IV

Visina školarine iznosi 4.000,00 KM po godini studija.

### V

Nastava na studiju bit će organizirana za sve kandidate koji ostvare pravo na upis.

### VI

U skladu s članom 26c. Pravila studiranja za treći ciklus studija na Univerzitetu u Sarajevu – Doktorski studij, studenti dokorskog studija mogu studirati u punom radnom vremenu ili u dijelu radnog vremena (studij se organizira kao redovni i kao vanredni studij u zavisnosti od interesa i mogućnosti pohađanja prijavljenih kandidata).

### VII

Konkurs ostaje otvoren 15 dana od dana objavljivanja.

Prijave dostaviti u zatvorenoj koverti putem pošte na adresu: Univerzitet u Sarajevu – Filozofski fakultet, Franje Račkog br. 1, 71000 Sarajevo, s naznakom „Prijava za upis na Doktorski studij lingvističke bosnistike“.

Obrazac prijave može se preuzeti s internetske stranice Fakulteta [www.ff.unsa.ba](http://www.ff.unsa.ba).